

Cando cantas amenu rusignolu
 Finan sas'aes sà mudan de festa.
 Da e su campu nud'a sa foresta
 Sa oghe tua isparghet consolu.
 Podet mai su ruzzu beffajolu
 Imitare sa mezzus armonia
 Ne issu nè niunu ... sun'ebbia
 Birtudes chi possedis tue solu.
 Ite faghes però in Campidanu
 Sutta-e sos astraos feri feri,
 Bae .. e torradich'a Otieri
 E canta ... ch'inie est sempr'eranu.
 Da inoghe a Oria parada
 Mi paret de intender sa chiterra
 Mancari siat oe suttaderra
 Peppineddu e Sini sa biada.
 Issu sa prima olta l'hat sonada
 Subra sa gara in atera idda
 U'è Peppe Melone de Irchidda
 At post'in giai sa prima cantada
 Si andas'a inie rend'emaggiu
 A Mimma Farina e Deriu
 Famosos cantadores chi cun briu
 Haisan che stie bogh'e traggiu,
 Saluda in sa matessi dimora
 A Molinu e a Peppe Bobore
 E lis neres ch'in tottu Logudoro
 Sa oghèssoro s'intendet ancora.
 Bae, però .. e ist'in logos tuos
 Ses chi cheres cantar'armoniosa
 Una oghe da in rosa in rosa
 Non che inogh'in mesu e ruos.
 Bae rusignolu ... e torradiche
 Inie non b'hat ne globos ne biscu
 E si cheres campare san'e friscu
 Su nid'in Cantareddu faghediche.

Pedrittu

Z E G U E G H E R R A
.....

Sas penas chi su coro m'addoloran
Paren frizzas infustas'in velenu
Chi sa vid'a consumu mi divoran
Senz'ojos so restad'e pag'alenu
Potto torrare e narrer ch'in sa vida
Non b'ido nè meu nè anzenu.

Sa gherra e i sa sorte infida
De su sole mi negan sa lumera
E i s'umbra si mustrat accanida
Non b'id'eo nè terra nè aera
Solu s'iscuru mi girad'in tundu
Che nue chi adescat sa bufera
E aite restar'in custu mundu
Si sa sorte infida non mi dada
Si non penas e iscuru profundu ?
Dae cando sa lughe m'est mancada
Eo non b'ido, non isco, no ando,
Non potto pius dar'una mirada.

Signore... Una grascia bos dimando
Sa morte pro me... Sa morte ebbia
E chi siat impresse raccumando.

Su campare pro me est agonia
E su solu pensare m'est penosu
Chi giovan'in su mundu zegu sia.

Diad'esser pro me s'unicu gosu
Si cantu prestu agatare dia
In brazzos de sa morte su reposu.

Zessare diat ogni tribulia
Pro chie cun amore faghet tantu
A supportare s'isventura mia

Vida, vida ... pro me oscuru mantu
Piango ma non potto mancu dare
Dolorosu isfog'a su piantu.

Non giutt'ojos . . . Non potto lagrimare !

Peolittu

Sos sonnos sunu tottu vanidades
E ravinos pro zertos chi bi crene.
Podes tue corcare mal'e bene
E ides su c'aist'in pensamentu
O su chi non as b'id'e mai tentu
Send'ischidad'in tottu sas edades.

Idea' in sonnos mill'istranidades
Chi ti faghen su cor'stremuntire,
manos armadas chi cheren'occhire
O pescias malas sedente sos pese
E cando paret chi ruttu sese
T'ischidas'e.... Sun tottu vanidades.

Istranas sunu puru sas ricchessas
Chi ti giogan'in manu vanamente,
A boltas pares tue possidente
De terras'e siendas infinidas
E cand'a ora sua t'^{IND'}ischidas
Si fis poveru ... poveru ti pesas.

Tottu si podet b'ider'e toccare
E discurrer cun zente mai ida,
Ider sos mortos chi torran'a bida
e-i sos bios chi morin'in s'ora
E ateras cosas b'ider'ancora
C'a boltas non ti lassan riposare.

Non crettas nè in sonnos nè a chie
Ti narat ch'est de sonnos indovinu.
Pro d'ogn'unu e nois su destinu
Deus l'hat dispostu ... e niunu
ne majarzu nè omine perunu
pOdet narrer su chi toccad'atie.

Pedri-lli